

444

444

E 21

E

21

DISPUTATIO JURIDICA
INAUGURALIS

DE

MANDATO.

Q V A M

PRÆSIDE DEO OPT. MAX.

Ex Auctoritate Magnifici Rectoris,

D. FRIDERICI SPANHEMII, Fil. S.S. Th.

Doctoris, Eiusdemque Facultatis in Illustri Academia Lugd.

Bat. ut & Antiquitatis Ecclesiasticæ, Profess. Primarii,

Ecclesiasticæ disertissimi, Acad. Bibliothecarii,

NEC NON

*Amplissimi Senatus Academici Consensu, & Nobilissima
Facultatis JURIDICÆ Decreto,*


PRO GRADU DOCTORATUS,

Summisque in U T R O Q U E J U R E Honoribus & Privi-
legiis ritè ac legitimè consequendis,

Publico examini subijcit

PAULUS SCHELTUS, HAG.-BATAV.

Ad diem 19 Iunii, horâ, locoque solitis.



LUGDUNI BATAVORUM,

Apud ABRAHAMUM ELZEVIER,


Academiae Typograph. MDC LXXXVII.

PARENTI
AMICIS
ATQUE
FAUTORIBUS
SUIS.

^{nc}
~~Hand~~ disputationem
inauguralem offert

PAULUS SCHELTUS

Auct. & Resp.





PROOEMIUM.

Pro laurea Doctorali in utroque jure consequenda moris est, quandam juris materiam publico vel eruditorum examini subicere: & cum nulla ut, ita dicam materia in jure nostro fere sit, quin per alios fuerit ventilata, nihil novi de me expectetis cum

Nihil sit dictum, quin sit dictum prius.

Urgente igitur solito hujus Athenaei more scitu necessarium duxi.

Quid Humeri valeant, quid ferre recusent. Contractus itaque perficiuntur vel re, vel verbis, vel literis, vel consensu. Re constantes sunt mutuum, commodatum, depositum & pignus. Verbis constans est stipulatio seu verborum obligatio. Literarum autem obligatio, olim nominibus fiebat; Jure novo fit cum quis chirographo confessus est, se mutuam ac-

A 2

ce-

cepisse pecuniam spe futura numerationis quæ tamen
secuta non est.

Consensu constantes sunt Emptio, venditio, loca-
tio, conductio, emphyteusis, societas, mandatum.
Ast vero cum omnium contractuum seriem uno or-
dine pertractare prolixum admodum atque difficile
foret, ne etiam temeritatis atque proterviæ reus agar,
haud absurdum duxi. Quendam contractus mate-
riam publice ventilare. Ultimus itaque contractus
consensu constans est mandatum, de quo autem fa-
vente Deo Opt. Max. pro inaugurali disputatione
verba facere fert animus. Et ne illa quæ sum pro-
positurus nimium intricata cuiquam videantur, primo
discutiendum quid sit mandatum, unde originem tra-
hat, quotuplex quibus mandare & mandatum susci-
pere permissum, ad quæ facta, quales mandati nomi-
ne veniant actiones, quibus & adversus quos &
quomodo sineatur.

DISPU-

DISPUTATIO JURIDICA
INAUGURALIS
DE
MANDATO.

THESIS I.

Ordine igitur ut procedamus videndum quid sit Mandatum est contractus juris gentium § 2 in fine. Inst. de jure nat. gent. & civ. l. ex hoc jure 5. ff. de just. & jure., bonæ fidei, §. actionum 28. Inst. de Action b. Nominatus, consensu constans quo negotium honestum, alteri id suscipienti gratis gerendum committitur arg. l. juris gentium 7. §. que pariunt 1. ff. de pactis. l. 1. in princ. ff. mandati l. 1. & 2. & tot. tit. ff. & C. mandat.

II.

Mandatum primo duplex, aliud est generale; de omnibus negotiis, aliud speciale, de quibusdam negotiis l. procurator 1. §. 1. l. mandato 60. l. procurator 63. ff. de procurat. l. solutum 11. §. ult. ff. de pign. act. l. Si quis mihi: 25. §. 5. ff. de acq. hereditat. Illud iterum cum libera, vel sine libera administratione. l. mandato 60. l. procurator. totorum. 63. ff. de procurat. & defens. Vel secundo aliud expressum est, aliud tacitum;

A 3

nam

nam qui præsens & sciens patiatur sua negotia gerere mandasse videtur. *l. 18. l. qui fide 53. ff. mandati l. 1. §. 1. l. si remunerandi. 6. §. 2. ff. eod.* Sola enim taciturnitas ex parte mandatarii non facit mandatum, sed declaratio & consensus desideratur, cum alias enim magis consilium quam mandatum esset. *l. 8. §. 1. ff. de procurat. §. 1. Inst. per quas pers. agere poss. princ. Inst. & §. 6. Inst. de mandato.* differunt quod mandatum in se habeat necessitatem implendi, consilium non item *l. 47. R. Iuris.* Terrio vel aliud purum est aliud in diem, aliud sub conditione *l. 1. §. pen. ff. mandati, §. pen. Inst. eod.* Vel quarto aliud ad negotia judicialia, aliud ad extrajudicialia *l. servum 33. in princ. & §. 1. ff. de procurator.* Vel denique mandatum aliud fit gratia mandantis, aliud mandantis & mandatarii, aliud aliena gratia, aliud mandantis & aliena, vel mandatarii & aliena, vel mandantis mandatarii & aliena gratia *l. 8. §. 4. ff. mandati l. 2. eod. §. 1. & 2. Inst. eodem.*

I I I.

Cum autem mandatum originem ex officio & amicitia trahat *l. 1. §. ult. ff. mandat.* Sequitur omnes mandare & mandatum suscipere posse, qui pascisci & efficaciter obligari. Hinc manifestum est, non posse furiosum *l. 2. ff. de Procurat. l. 5. ff. de R. I.* non deportatum *arg. l. 2. C. de bonis proscript.* Non minores sine tutoris vel curatoris auctoritate. *arg. l. 2. C. de in. int. rest. minor.* Non mulieres causas alienas. *l. quanquam 7. ad SC. Vellejan.* quamvis recte iis demandetur negotium quod virile non est. *l. sed etsi. 7. §. 1. ff. de Inst. act. l. 3. ff. de negotiis gestis. l. idemque 10. §. si cui 6. ff.*

ff. mandati. Mandare & mandatum suscipere possunt: tam unus, quam plures, qui singuli in solidum obligantur, unius tamen solutione reliqui liberantur. *l. Creditor. 60. §. 2. ff. mandati.*

I V.

Mandari potest omne factum honestum & licitum, *l. si remunerandi 6. §. 3. & 7. l. vero 12. §. si adolescens 11. ff. mandati. §. illud quoque Inst. eod.* Itaque nullum rei turpis vel prohibita mandatum, ne quidem jure jurando confirmari potest *l. non dubium 5. C. de legib. cap. non est obligatorium.* Imo illud si impletum fuerit eadem pœna mandans & mandatarius afficiuntur *arg. l. is damnum 169. ff. de R. I. l. nihil interest. 15. §. 1. ff. ad leg. Corn. de Sicc. l. 11. §. 3. ff. de injuriis.* Julius Clarus *lib. 5. §. final. quest. 89. num. 1.* Licet autem tale mandatum non est obligatorium, quia mandatum, obligatorium tamen est quatenus delictum *l. 11. §. 3. ff. de injuriis.*

V.

Mandari quoque sua natura non possunt actus legitimi *l. actus 77. l. 123. ff. de R. I.* sunt autem actus legitimi, qui ex solennis juris usu sunt. *arg. l. 2. §. 6. ff. de Orig. juris.* Quales sunt hereditatis aditio *l. per precuratorem. 9. ff. de acquir. vel omitt. hered.* Emancipatio *l. actus 77. ff. de R. I.* Adoptio *l. neque 24. l. post mortem 25. ff. de adopt.* Tutoris datio quæ fit à Magistratu. *l. 77. ff. de R. I. arg. l. 6 §. 1. ff. de tutel. §. 1. Inst. de act. tut.* Acceptilatio *l. & per 13. §.*

tutor. 10. ff. de accept. Servi, optio. l. 77. ff. de R. I.
l. apud 20. ff. de optione legata.

V I.

Plane mandato æquiparatur ratihabitio eamque pene semper non habet *l. ult. C. ad Senatuscons. Maced.* Dico pene: nam vel meum negotium per alium est gestum, vel alienum. Si meum, vel gestum est meo nomine vel non meo nomine. Si meo nomine tunc ratihabitio omnino æquiparatur mandato sic ut & actio mandati competat *l. semper 60. ff. de R. I. l. 56. ff. de judiciis* si non meo tunc vi ratihabitionis non nisi negotiorum actio competit. *l. 5. §. 1. ff. de neg. gest.* Si alienum vel illud nomine meo gestum est, & ratione ejus quod mea interest, non mandati sed negotiorum gestorum actio competit. *l. 6. §. 9. & 11. ff. de neg. gest.* si nomine alieno, nec mea interest ratihabitione nihil agatur *l. 6. §. 6 ff. eod.* Liberum quoque ei est qui mandatum suscipit, illud iterum alteri mandare dummodo, si ad litem constitutus sit id demum post litiscontestationem faciat *l. 8. §. 3. ff. mand. l. 11. & 22. 23. C. de procurat.* censetur quidem electa mandatarii industria. Sed & illam in alio facile inveniri potest *l. 13. ff. de contrah. & com. stipular.* Si tamen specialis lex vel natura negotii vel utilitas publica obstat contrarium enim tunc obtinet *l. 5. ff. de jurisdict. l. 10. C. de pactis.*

V I I.

Ex mandato nascitur actio duplex directa, & contraria. Directa est actio personalis bonæ fidei competens

tens mandanti adversus mandatarium, ad id, ut exsequatur mandatum susceptum, juxta præscriptum modum, & reddat rationem administrationis ac restituat, quod penes eum ex administratione residet: quapropter, si susceptum mandatum, cum justam non implendi causam, non haberet, non impleverit, vel negotium exequi neglexerit *l. si maritus 5. C. de mandato*, aut perperam, vel non ut mandatum est, gesserit, ad id quod interest tenetur *l. cum mandati 12. l. cum per 9. ff. mandati. l. 11. C. eod. l. ad comparandas 16. C. mandati*. Contraria mandati actio competit mandatario adversus dominum mandantem, ad repetendas impensas in negotium bona fide gestum factas. *l. inter 26. §. ult. l. si quis 27. §. penult. l. 45. §. si fidejussor ff. mandati*. & si quid præterea interest *l. si vero 12. §. si mihi l. si mandavero 22. §. interdum 2. ff. mandati*.

V I I I.

Præstat ut diximus mandans, contrario judicio conventus omne quod mandatarii interest. *l. vero 12. §. si mihi 9. l. si mandavero. 22. §. interdum 2. ff. mandati*, sc. quod proxime non remote interest: nam si mandatarius, mandati exsequendi gratia iter faciens, spoliatus sit, casui fortuito imputabitur, nec à mandante damnum illud reparari debebit. *l. inter causas 26. §. non omnia 6. ff. mandati. arg. l. contractus 23. in fine ff. de R.I.*

I X.

In exequendo mandato, bonam fidem adhibere debet mandatarius. *l. si proprio. 46. §. procurator. 4. ff. de*

B

de

*de procurat. l. idemque 10. in princ. ff. mandati. & vero nonnulli sunt, qui putant mandatarium tantum teneri de dolo, & ea culpa, quæ dolo æquiparatur, hac ratione moti, scilicet quod mandatum principaliter celebretur solius mandantis gratia l. 1. ff. de procurat. l. 5. §. nunc videndum 2. ff. commod. Mihi tamen verius videtur, mandatarium, quia sese quasi obtulit, de dolo, la-
ta, levi, & levissima culpa teneri l. 13. l. in re man-
data. 21. C. mandati. l. 1. ff. §. ult. ff. eod.*

X.

Non debet mandatarius fines mandati excedere, alioquin non ipsi contrarium mandati iudicium compe-
teret. *l. potest 41. ff. mandati. V. G. mandavi alicui ut domum mihi comparet centum aureis, & emerit cen-
tum & viginti, ne tunc quidem negotiorum gestorum actio competit: cum limitatio facta sit, quæ continet
exclusionem, exclusio vero prohibitionem l. ult. C. de
neg. gest. Nam qui inviti & prohibentis negotio gerit,
non habet negotiorum gestorum actionem, possum ta-
men ego mandans adversus te agere, modo te indem-
nem servare paratus sum. Mandati fines non egredi-
tur mandatarius, si domum minoris emat, nam qui
certo pretio rem sibi emi mandat, etiam minoris, si
possit, eam sibi emi mandasse videtur, hic enim ma-
jori summæ inest minor. l. 5. §. ult. ff. mandat. §. is
qui, 8. in fine Inst. eod.*

XI.

Licet mandatum sit gratuitum, ita ut nulla mēces
intervenire queat, observandum tamen est, quod per
spe-

speciale pactum fieri posset ut non sit gratuitum. V. G. intervenire potest, promissio seu pollicitatio salarii: Quod salarium vel certum est vel incertum, si certum sit V. G. si quis dicat se daturum centum aureos, qui tunc peti possunt, non tamen actione mandati, sed extra ordinem implorato scilicet iudicis officio *l. salarium 7. in princ. ff. mandati.* si incertum sit, peti non potest *l. 7. l. 56. §. 3. ff. mandati. l. 1. 17. C. cod.* Advocati tamen, non promissum petere possunt, quia eorum officium publicum. *l. 4. ff. de extraord. cognition.* Non procuratores, quia eorum officium privatum est *l. 7. l. 56. §. 3. ff. mandati. l. 1. 17. C. cod.* Interveniente enim mercede, non erit mandatum, sed potius locatio conductio. *§. ult. Instit. de mandato.* Sin certa merces non sit constituta, sed postea Dominus tantum se daturum promiserit quantum inter eos convenerit, erit contractus innominatus, & datur actio præscriptis verbis. *arg. l. si tibi 22. ff. de præscript. verbis. §. qua de causa Instit. de locat. conduct.* Si non intervenerit merces, nec quantum inter mandantem & mandatarium convenerit, quia gratuitum, erit mandatum.

X I I.

Finitur mandatum primo Revocatione ex parte mandantis *l. 12. §. penult. l. 15. ff. mandati.* vel re integra, vel non integra, priori casu mandans non tenetur ad interesse. Posteriori vero mandatario tenetur ad id quod interest. *l. 15. l. inter 26. in princ. ff. mandati.*

Finitur præterea Renunciatione ex parte mandatarii *l. si mandavero 22. §. ult. l. si quis 27. §. 2. ff. mandar. §. mandatum 11. Instit. eod.* nec interest res sit integra vel

vel non , modo si renunciatio fiat , re non integrâ ,
mandatarius mandanti ad id quod interest teneatur ,
ne sc. alius melioris alius deterioris esset conditionis.
Nisi tamen iustæ , renunciandi causæ intercesserint.
*l. 23. & seqq. ff. mandati. l. 27. §. 2. ff. eod. §. si manda-
vero 11. Inst. de mandato.*

Evanescit insuper mandatum , morte mandantis &
mandatarii. Morte mandantis. *§. item 10. Instit. h. t. l. 26. in princ. l. 57. & seqq. ff. mandati. l. 15. C. eod. l. ult. ff. de solut.* ita quidem ut nec mandatarius nec heredes obligentur , licet reg. quisque sibi & heredi-
bus contrahit : ratio est , quod mandati implementum tantum dependeat ex voluntate mandantis atque vo-
luntas morte extinguitur , per consequens & manda-
tum *l. 4. ff. locat.* Attamen si ignorans mandantem decessisse mandatum impleverit , mandatarius tamen agere potest ex æquo & bono ne ei justus noceat er-
ror. *§. item si 10. Instit. h. t. l. 26. 58. ff. mandat.* sic quoque non finitur mandatum , morte mandantis , quoties tale quid mandatum sit , quod non nisi post mortem , impleri potest *l. 14 §. 2. ff. de rel. & sumpt. funer. l. 12. §. ult. ff. mandati.*

Denique finitur morte mandatarii *l. 27 §. 3. ff. man-
dati* , quia industria personæ est electa , quæ cum per-
sona extinguitur *l. 57. ff. mandat.*

E I N I S.

COROL.

COROLLARIA.

I.

In mutuo est alienatio.

II.

Commodatarius de levissima culpa tenetur.

III.

Mulier tutrix liberorum ad secunda vota transiens ipso jure expellitur à tutela licet prior maritus aliud testamento disposuisset.

IV.

Usucapio non repugnat æquitati naturali.

V. Mu-

IV.
*Mulier fidejubere potest modo renun-
ciet SC. Vellejano.*

VI.

*Fidejussor in majorem summam acce-
ptus, quam reus principalis tenetur
tamen ad summam concurrentem.*

F I N I S.



Eruditissimo Viro - Juveni

D. PAULO SCHELTUS,

Cum post luculentam

DE

M A N D A T O

Publice habitam disputationem

Juris Cæsarei ac Pontificii Doctor crearetur.

Post sævos nimbos, multasque ob littora curas
In gremium recipi, portusque tenere petitos,
Implet spem nautis, quin magno fœnore ridet,
Tu quoque *SCHELTE* feris dundum jactatus in undis,
Per medios scopulos, perque auctas rupe procellas
Audacter gemini permensus es æquora juris,
Donec in optatam coniecta est anchora terram.
Attica Leida tibi legum moderamina cedit,
Orbi quæ cecinit *Cæsar*, vulgandaque misit,
Justarum legum cupidis exponere Belgis,
Te duce respiret quò sacræ sanctio legis.
Dum divina *Themis*, quæ te lactavit, amore
In te defixos retinet sibi luminis orbes,
Et tua præclaro præcingit tempora lauro,
Quæ tibi perpetuum spondet per secula nomen.

H. S. B.

D. PAULO SCHELTUS

Capitulum I

De

De

De

De

De

De

